



Universitätsbibliothek Paderborn

Instructio practica ...

De Conversatione Apostolica - A Curatoribus Animarum piè & fructuosè instituenda ; Complectens varios & solidos modos juvandi & consolandi diversorum Statuum Personas afflictas, præcipuè aegras & captivas ...

Lohner, Tobias

Dilingæ, 1680

Memb. II. Quomodo Parens Liberos alloqui possit.

[urn:nbn:de:hbz:466:1-49274](https://nbn-resolving.org/urn:nbn:de:hbz:466:1-49274)

V. Vale ergo Uxor dilectissima, & sic vive, ut cum gaudio iterum in cœlis mutuò videamus. Noli tristari immo propter obitum meum, sed memento, te mortalem Maritum duxisse, atque adeò ægrè ferre non debere, si mortis debita persolvat. Dominus me tibi dedit, Dominus nunc me auferat. Sicut ipsi placuerit, sic fiat. Sit nomen ejus benedictum. Ille te & liberos nostros benedicat, custodiat ad vitam perducatur æternam. Amen.

MEMBRUM II.

Quomodo Parens Liberos alloqui possit.

I. **P**erdilecti Liberi, appropinquat tempus, quo discedetis vobis, alterique vos Patri relinquere debebo. Audi proin ultima Patris vestri verba, & cordi vestro profunde inscribite, ut suo tempore opratum ex illis fructum referatis.

II. Inprimis ergo, quantum pro paterna mea apud Deum autoritate ac dilectione valeo, adhortor vos, ut Dominum DEVM ex toto corde timeatis, & ametis, certoque vobis persuadeatis, hanc optimam esse hæreditatem, quam vobis relinquere possum; hanc quippe si possideatis, nihil decet vobis, ut ipse DEVS non semel promissit.

III. Secundò vos hortor, ut singularem quoque cultum & amorem Sanctissimæ Christi, imò & vestræ cœlesti Matri semper exhibeatis, & ad eandem in omnibus vestris necessitatibus recurratis, cum firma spe, quòd, sicut per eam mundus totus salutem invenit, ita vos quoque per ejusdem matris amorem & sollicitudinem ad opratum felicitatis peritum sitis perducendi.

IV. Tertiò adhortor vos, ut pariter omnem amorem, reverentiam, & obedientiam secundæ vestræ Matri Spirituali nempe Ecclesiæ Catholicæ exhibeatis, ideòque veram & vivificam fidem, in qua hactenus à me educati & instructi sollicitè fuistis, totis viribus propugnetis, & conservetis; omnibus quoque Ecclesiæ Ministris debitam reverentiam & obedientiam præstetis, & institutas ab eadem caeremonias præcipuè sanctissima Sacramenta cum summa veneratione recipiatis, & frequenter ac devotè usurpetis.

V. Quartò adhortor vos, ut etiam carnalis vestræ Matri beneficia grato animo agnoscatis, ideòque filialem amorem

& obedientiam constanter illi exhibeatis, firmiter credentes, quòd per hoc & Deo & mihi singularem delectationem creaturi, vobis autem vitæ prolongationem, & copiosam benedictionem sitis obtenturi.

VI. Quintò adhortor vos, & quidem, ut hanc doctrinam tantò studiosius observetis, ipsius Christi verbis, ut diligatis invicem, sicut ego dilexi vos; nam sic DEUS inter vos habitabit, & vos ac bona vestra contra omnes hostium insidias potenter defender.

VII. Sextò adhortor vos, ut etiam cum aliis hominibus pacem & concordiam semper servare studeatis, accepta beneficia grato animo agnoscatis, & compenseis, illatas injurias Christiana charitate ac patientia supportetis, &, quidquid vultis, ut faciant, vel non faciant vobis homines, id ipsum etiam vos vel faciatis, vel caveatis.

VIII. Septimò misericordiam quoque erga Defunctos & Viventes specialiter vobis commendo, certòq; vobis persuadeatis, opto, quòd, quantò vos liberaliores erga DEUM in Pauperibus exhibebitis, tantò liberaliorem quoque ipsum erga vos sitis experturi.

IX. Octavò singulariter quoque vos adhortor, ut propriæ vestræ salutis speciali studio invigiletis, ideòque omnia media ad eandem asscurandam necessaria sedulò adhibeatis, hunc namque ob finem à DEO creati, & à me procreati estis. Si ergo DEUM & me diligitis, desiderium meum implete, & sic vitam vestram instituите, ut hîc quidem laudabilem mei in vobis memoriam conservare, & in altera vita vos iterum cum gaudio excipere, & per vestram gloriam meam quoque felicitatis non leve augmentum obrinere valeam.

X. Accedite ergo, ô dilecti Liberi, & postremum à Patre vestro osculum accipite, quo testemur, quantopere hactenus invicem dilexerimus, & per totam olim æternitatem simus dilecturi. Ego quidem, quemadmodum hæc monita paterna singulari vobis affectu tradidi, ita confido, quòd filiali quoq; amore & obedientia excepturi, operèque completuri sitis. Nihil proinde aliud superest, quàm ut paternam pro valedictione benedictionem vobis impertiar, Deumque suppliciter rogem, & obtester, ut in suam vos custodiam paternè suscipiat, abundantemque gratiam concedat, quâ sanctissimi-

ctissimam ejus voluntatem sollicitè indagare, atque perficere implere studeatis, sicque digni efficiamini promissam cum in cælis hæreditatem accipere, quam vobis & mihi commenter concedere dignetur Pater, & Filius, & Spiritus Sanctus. Amen.

MEMBRUM III.

Quomodo Infirmus alios Homines adstantes alloqui possit.

I. **P**erdilecti Amici & Fratres in Christo, cum jamjam egrediar viam, per quam omnes ad alteram vitam transire oportet, neque sciam, quâ horâ Dominus noster veniat, meque à gratissima vestra Societate abstracturus sit, licet mihi cum vestra venia ante abitum meum, animi mei sensa, desideriaque explicare.

II. Inprimis ergo confiteor, me, dum jamjam superiorem judicio me sistendum credidi, ideoque vitam & opera meam curatiùs examinavi, in ijs omnibus nihil reperisse, nisi vilitatem & afflictionem animi, solis illis operibus exceptis, quæ ad debitum DEO amorem, servitiûmque præstandum ducunt. Omnes proinde adhortor, ut commodis ac saluti vestrae melius prospiciatis, & totos vos divino cultui, servitiûque domino consecretis, ne serò olim errorem vestrum agnoscere sine spe correctionis deplorare cogamini.

III. Secundò confiteor, me in omnibus meis adversariis, & præcipuè in hac ultima mea necessitate nullum meum solatium, ac robur animi invenisse, quàm spem atque fiduciam, quam in meritis acerbissimæ Passionis & Mortis Christi Domini mei collocavi, & patientiam, per quam ipsi conformare studui. Quapropter & vos adhortor, ut similem fiduciam in his sanctissimis & infinitis meritis collocetis, & quidquid DEUS pro vestra salute permiserit, cum magna patientia, gaudiòque accipiat, ut in altera vita copiosius gaudium percipere possitis.

IV. Tertiò confiteor potissimam spem & securitatem meæ salutis in præsentis statu mihi oriri per exiguam quidem, sed constantem devotionem, quam erga SS. DEI Matrem, Angelum Custodem, & reliquos Patronos hætenus ostendi, per quorum proinde auxilium & intercessionem, sicut ego